


大寶積經

第四

七十三  
龍四

47512



元祿九年丙子二月日重脩

皇圖聖圖 帝漸銀呂

佛日增輝 懋輪常轉

山城州天安寺法金剛院置



大寶積經卷第四

龍

大唐三藏菩提流志奉詔譯

無邊莊嚴會第二之一

無上陀羅尼品第一之一



如是我聞一時佛住王舍城迦蘭陀竹林與  
火比丘眾及無量無數菩薩摩訶薩俱此諸  
菩薩皆是一生補處從異佛刹而來集會  
時世尊大眾圍遶供養恭敬而為說法時彼  
眾中有一菩薩名無邊莊嚴從座而起偏袒  
右肩右膝著地向佛合掌而白佛言世尊我  
有少疑今欲諮問唯願如來哀愍聽許今時  
佛告無邊莊嚴菩薩摩訶薩言善男子如來



應正等覺恣汝所問當隨汝疑而為解說令  
汝歡喜時無邊莊嚴菩薩摩訶薩白佛言世  
尊我為趣求無邊智慧被精進甲諸菩薩等  
求大方便善巧地者趣無邊義智善巧者決  
定大智初發起者於菩提道已安住者世尊  
我為如是諸菩薩故請問如來亦為利樂有  
情之類心無等喻思惟諸法清淨智義甚深  
大智方便簡擇得無量義善巧決定為欲趣  
求大師子座昇一切智師子之座正初發起  
勇猛勤修獲不退轉言詞善巧積集精進被甲  
胄者為如是等諸菩薩故請問如來世尊若  
有菩薩於諸有情願欲超昇到於彼岸復有

志求無礙無畏任無畏中方便隨機演諸法  
義善巧分別不增不減又於諸法本性自性  
如實宣揚世尊復有趣入無等喻心最勝之  
心及無上心得自在故爲如是等請問如來  
世尊若諸有情求自然智及無師智破無明  
罣超於天人最爲殊勝有希利樂一切世間  
當欲趣求大智無畏除自然智欲示無邊知  
見善巧將說無量決定之法欲以光照世間  
天人復有爲諸衆生樂欲開示無上無礙大  
智方便欲行究竟清淨智見求一切智善巧  
地者我今爲彼諸菩薩故欲問如來世尊若  
諸菩薩任是地已速能圓滿成如來地及能

證得不可思議方便善巧波羅蜜多以少功用成熟衆生見前能得如是智慧令諸衆生捨離惡法增長善法示菩提道諸佛種性及能安立無量衆生於阿耨多羅三藐三菩提皆不退轉世尊彼諸菩薩能開覺路於佛法中令心歡喜我為斯輩請問如來世尊此諸大衆皆悉已集說微妙法今正是時唯願如來開示演說如是法門授諸菩薩令得圓滿不思議願及一生補處所有善根世尊如是善巧陀羅尼門如來隨時應當授與使諸菩薩能持無量法門理趣善巧決定及以言詞演說諸義復有志樂當證菩提安住無邊大

神通業成熟無量無數衆生攝受如來善巧  
之智唯願開示如是法門當今衆生證菩提  
道世尊往昔於長夜中已發弘誓令無數衆  
生安住佛智及自然智如是陀羅尼門應當  
演說令諸菩薩成自善根及以如來威加之  
力持彼無上不思議願世尊如來應正等覺  
已證無量方便善巧得不思議住無畏地了  
諸衆生意樂老別無量億劫蘊諸覺慧世尊  
此諸大衆瞻仰如來無時暫捨於一切智智  
及諸法藏志求不怠欲樂無厭願聞如來決  
定之義世尊安住一切智境皆已知此諸菩  
薩願及發趣善巧成熟世尊是諸法門陀羅

尼門圓滿句義一切諸法決定善巧如是法  
門如來應說令諸菩薩未成熟者悉令成熟  
已成熟者速得神通及一切智心解脫智見  
世尊若諸菩薩住不定地是諸菩薩預聞法  
已而得成就一切智境世尊我以此緣敢申  
巨問唯願大慈威加守護攝諸菩薩說如是  
法世尊於後末世諍論起時執著有情更相  
賊害三毒增長壞亂正法令諸菩薩於彼時  
中以大慈悲堪忍斯事流布此法而無諍論  
由順無諍則能攝受大慈大悲及當積集諸  
善根力世尊我今敢緣斯義請問如來無礙  
法門決定之義世尊云何彼諸菩薩無量法



門法光明門及一切法方便發起復願如來  
說不滅壞寂靜法門兼演無邊微密法藏具  
足成就念力無斷降伏魔怨及諸異論而不  
爲彼之所摧伏唯願如來演說正法令諸衆  
生積集善根亦令積集無邊善巧於一切智  
智示現出生隨念結集無量法要得諸辯才  
清淨具足相續不亂無等句義欲令證得無  
量法門及陀羅尼真實方便又令衆生發起  
意樂爲說先後兩際加行示現去來現在諸  
法於因自在法無所任願諸菩薩了知十方  
如來本事以神通無畏遍諸佛刹授彼衆生  
清淨法眼亦爲開示不思議法成熟佛智方

便善巧我緣斯義敢有所請唯願世尊說如  
來地廣大方便甚深之法爲一切智攝諸善  
巧無量不思議法理趣令彼菩薩願及方便  
善巧圓滿此諸菩薩預聞法已悉皆獲證大  
法光明成就菩提殊勝善巧及彼弘誓悉令  
圓滿今時佛告無邊莊嚴菩薩摩訶薩言善  
哉善哉無邊莊嚴汝今爲諸菩薩住清淨願  
方便善巧亦爲哀愍諸衆生故以決定慧善  
問如來汝之功德無有限量諦聽諦聽如實  
思惟我今爲汝分別解說令諸菩薩於佛智  
境出生無量種種功德無邊莊嚴菩薩言唯  
然世尊我等樂聞今時佛告無邊莊嚴若諸

菩薩為求無邊善巧願者應知諸佛秘密語  
言受持思惟如理觀察云何觀察無邊莊嚴  
如來之智攝諸善巧有所宣說無不清淨是  
諸菩薩應當進修此之法要諸佛所說皆是  
平等安任大悲普於羣生決定成熟諸有情  
類或於下乘志希解脫於聲聞道有於真實  
最勝涅槃弘誓圓滿成一切智我今安任無  
上解脫遠離餘乘下劣之法善入諸佛秘密  
語言及說如來無比詞句廣大清淨攝受諸  
法令諸有情隨彼根性解脫成熟然於是法  
皆悉平等不增不減無缺無漏乃至無色及  
無等色無邊無際自性清淨諸佛世尊之所

演說自性本性如實了知而無有法了不了者何以故一切諸法皆是如來假名說故若彼諸法由假名者是則不可以法施設亦無示現無示現故如來所說皆真勝義隨法同入一切諸法於一切法不住分別亦非不住以分別法及無分別如實平等證一切法無有差別法無有生如是生法無所有故法無有法生妄分別徧計度故法無有起不自在故法無觀待捨圓滿故法無作用無去來故法無自性超過一切自性法故法本平等無有差別無戲論故隨所作法起殊勝願無不成就而於其中無有作者乃至無有少法所

得皆歸於空是故如來說一切法如幻如夢  
無有高下我當以此清淨弘誓攝衆生時實  
無少法而可著者無邊莊嚴此是諸菩薩等  
法光明門由斯門故於殊勝願而得增長如  
日出現光明普照如是善男子等於此法門  
能信解者與諸衆生作法光明無邊莊嚴若  
諸菩薩內正思惟外無散亂安住能斷諸障  
礙者隨念菩薩普光三昧及能信解甚深法  
者應當觀察此諸法門一切諸法如來悉知  
以緣起門開示宣說如是緣起虛妄不實自  
性本性皆悉空寂是緣起性亦非真實能令  
衆生雜染清淨於十方求皆不可得無所得

故無有攝受無攝受故於我所說尚應捨離  
何況非法所言捨離彼亦非有亦無所取無  
有功用本性清淨一切諸法無有分別了知  
分別如實性故一切諸法無有所住亦不可  
見無異性故是故諸法無住無依但以名字  
施設而有彼皆空寂無有自性無住而住是  
故諸法無有住處處無有故盡故滅故及變  
易故如來但以異名宣說如是密意應當了  
知不應執著善與不善若執善法彼不善法  
亦當執著由執如是不善法故生諸苦惱佛  
以異名於此示說為苦聖諦由不執著善不  
善故彼諸愛滅如來於此善法所斷異名示

說為集聖諦第二聖諦能了知故滅故盡故  
無憶想故厭離觀察無所有故無喜想受無  
分別故如來於此異名言說為苦滅諦了知  
第三滅聖諦故是所求道如實悟入一切法  
地超過一切憶想分別戲論之境八支相應  
修習正見乃至正定苦滅趣道聖諦了知佛  
以異名於此宣說為第四諦諸佛世尊於此  
施設知苦斷集證滅修道苦集苦滅及滅趣  
道此苦無有以世俗故假名施設是無明等  
一切皆是無智攀緣何以故於彼無智亦無  
有少攀緣可取無有所證無有光明不可了  
知亦不可得而於其中當有何物一切皆是

虛妄壞法無有堅實於中若以實物施設彼  
即於常應有執著若以無分別執著彼即於  
斷應有執著是故於苦不應分別以智慧故  
應當了知無智自性即苦自性由與無明共  
相應故無明亦不與物相應或不相應彼亦  
無有由彼不相應故是故無明非分別非不  
分別不作不壞亦無作者施設作者不可得  
故無邊莊嚴此是諸菩薩了知悟入無明自  
性順明法門由是門故能捨一切無明黑闇  
現前證得隨順明法於菩提分能善修習於  
諸聖諦能善了知是諸菩薩於此法門能得  
清淨所謂由不生故苦得清淨不攀緣故集



得清淨由滅盡故滅得清淨由修習故道得  
清淨信平等故道即平等如是諸法異名老  
別應當解了了已應斷應證應修於如來言  
若能解了彼即徧知彼即隨斷彼即作證彼  
即修習是故聖者如是知已於一切法不取  
不捨便得安住四諦法門無邊莊嚴一切諸  
法無有分別亦不增長亦不積集聖者如實  
善了知故不起分別不欲戲論能如實見不  
毀不著由道斷故於諸善法不起分別亦無  
戲論況不善法由無分別共相應故亦復不  
住法非法斷若徧知斷即無法結及非法結  
彼能了知結法虛妄此虛妄法空無所有此

是彼等所入諦門由是門故不受不恚證捨  
圓滿能斷諸結安住正道到於彼岸證法自  
性而無入出無邊莊嚴汝今當觀一切諸法  
本性皆空自性寂靜無有作者諸法非實與  
結相應非不相應於彼無性法中不應執著  
亦復不應離性非性而起分別既能了知因  
緣清淨不應戲論諸有一切因緣生法彼緣  
性空究竟清淨如是因緣非互相應諸法  
展轉無有所作無有所行無有事業如是  
思惟一切諸法互相空故無有自性無依無  
任無邊莊嚴汝於此中應當悟入則能增  
長不可損壞普徧光明清淨法門由攝受

故當得清淨無戲論故當作光明超過結使  
無所著故當得出離無邊莊嚴一切諸法唯  
有名相開示宣說何謂名相相謂四大所造  
諸色名謂一切非色之盡如是名相一切皆  
悉虛妄不實以顛倒故而有執著或色是我  
色是我所相分別故有名示說如是名色二  
俱不實一切皆是虛妄壞法如幻如夢色體  
不堅如夢所見乃至四蘊亦非真實但以世  
俗文字施設如是知時不見有苦由實諦故  
無有攀緣緣無攀緣故心無所有無所有故何  
有與彼攀緣相應由此而能於涅槃界得超  
過想及所知滅無邊莊嚴三界由想作意所

生是故說言三界虛妄想及作意亦非真實  
彼所有想即色執著所有作意皆與受想行  
識相應諸法本性亦無相應非不相應乃至  
非想亦非作意想及作意本性皆空所有言  
說亦皆虛妄但假施設令性寂靜無邊莊嚴  
諸法本性以假名故如是所說亦皆平等無  
邊莊嚴於此法中證於實諦諸菩薩等應當  
了知謂諸如來一切結使皆捨離故凡所演  
說終不唐捐汝等於此應善思惟無令執著  
於一切法勿生分別離諸戲論了一切法無  
有自性而於衆生起慈悲想思惟悟入如是  
法門爲利一切開示演說云何法門謂了無

明諸有爲法悟智見等諸無爲法應徧清淨  
證入一切有爲無爲無戲論智非數入數非  
數住數隨順如是非數法故證入無爲清淨  
法門獲得遍持光明智慧攝受諸法今不失  
壞能以覺慧方便善巧廣爲衆生演說諸法  
無邊莊嚴此是諸菩薩等入陀羅尼門由是  
門故出生廣大差別覺慧及能發起演說諸法  
義善巧之智無邊莊嚴此中何者是彼陀羅  
尼門由是菩薩於諸法中能得摠持方便善  
巧無邊莊嚴此中菩薩任遍清淨善巧之智  
行於辯才由義覺慧觀察諸法本性自性然  
一切法自性無任無名無相無所建立無徧

建立不可宣示但以世俗言詞演說所有諸  
法本性自性皆不可說無來無去無有文字  
文字清淨無有功用何以故諸法本性等虛  
空故一切諸法亦復如是無作無起無相清  
淨以虛空開示演說此則諸法無門之門門  
清淨故究竟無染亦不隨染何以故諸法究  
竟不生不起所有自性亦不生起是故當知  
三世所說一切諸法自性無性亦不應執諸  
法無性此是諸菩薩無所執著陀羅尼門爲  
諸菩薩門清淨故如是開示說一切法有形  
相者所說形相即非形相不作不壞不愛不  
恚是故當知形相門者則爲非門門清淨故

由是能得入無形相清淨法門爲欲了知此  
形相門無所有故不以有義如是宣說無所  
作故入無形相無邊莊嚴如是所說無形相  
門爲陀羅尼清淨故轉無邊莊嚴所言門者  
猶如虛空一切諸法依於虛空而有生滅彼  
生滅者性皆平等作是觀時無有生滅無所  
攝受於一切法應如是知一切諸法亦非攝  
受非不攝受非等非不乃至無有少法而  
可得者由是能了此形相門爲得無相門清  
淨故開示演說無邊莊嚴言無相者所謂無  
身及身施設無名無句亦無示現於此教義  
應當了知彼無形相與虛空等言虛空者亦

無虛空及空示說此是無明隨順明智力聚  
法門菩薩能證陀羅尼門理趣方便由證入  
故無有諍論無有忘失隨入無斷秘密語言  
陀羅尼門譬如有龍名無執惱降澍大雨流  
澍無斷無邊莊嚴所言陀羅尼者是何句  
義無邊莊嚴菩薩摩訶薩白佛言世尊陀羅  
尼者即是隨順諸法秘密方便假名即是隨  
念徧持之業即是說法語言之句由智聚力  
得入如是陀羅尼數以善覺慧應當受持無  
量無邊菩提之力世尊如我所解此無邊智  
演說方便為欲利益諸衆生故開示流布令  
法不斷世尊此陀羅尼門是大虛空是大方



廣以是義故能廣宣說由說平等能攝受故名隨教法善巧開示廣大流布文字差別得圓滿故通達辯才而得成就由觀察義善巧說故於義辯才而得圓滿決定諸法善開示故於法辯才而得圓滿哀愍衆生以大慈悲而能攝受由攝受故次第調伏令得清淨無諸戲論而能演說平等捨法世尊說此陀羅尼秘密方便法門品時無量無邊善巧之義從佛口出今時佛告無邊莊嚴菩薩摩訶薩所言門者即是如來一切智智門之增語於此門中由語言故而得演說一切諸法如來安住無邊清淨究竟清淨自然智見以無所

任無所建立流注廣大甚深之法無邊莊嚴  
如來嘗說一切諸法皆是佛法以於諸法能  
善了知名為佛法諸法本性與佛法等是故  
諸法皆是佛法由能了知法非法故說能了  
知一切諸法能了知者即能了知陀羅尼門  
此陀羅尼而能徧入一切諸法所謂語言演  
說談論一切語言演說談論皆由文字表示  
宣說是中文字阿字為初荷字為後猶如入  
胎受胎持胎以母為先又如種子長養以父  
為先如蘊積集以生為先次後建立餘分老  
別六處諸根次第成熟如是字母為先一切  
文字老別和合如是字母為先先發長養所

謂阿字爲先荷字爲後諸餘文字不在其中間  
隨彼相應和合而轉此即能入演說語言陀  
羅尼門又當了知一切諸行皆悉壞滅如彼  
文字書學成已尋常當除滅如是一切有支建  
立皆當壞滅如彼諸行和合故生彼不和合  
應知壞滅如是二種相應和合建立一切諸  
有愛結亦由如是二種和合建立一切有爲  
諸法如是觀察漸次能淨無作法門由此能  
入演說生滅陀羅尼門令諸菩薩方便善巧  
速得圓滿猶如字母阿字爲初荷字爲後如  
是作已應以語言演說談論善入一切秘密  
言詞又應了知無障礙法開示宣說無邊莊

嚴猶如字母阿字爲初乃至諸餘一切文字  
分別作已作意相續入於書寫荷字之後更  
無文字而可建立由是二種作意能生一切  
有爲之行彼二分別無有真實以於真實無  
少文字本性自性亦無分別及不分別而於  
其中亦復無有少分所作無邊莊嚴一切諸  
法以智所知是智皆從文字建立而得生起  
由是文字不成就故彼智亦復無有形相可  
得何以故以於真實無有形相由入如是無  
形相故捨離一切所作事業無所作故捨離  
一切有爲之事無邊莊嚴此是陀羅尼清淨  
善巧徧持法門若諸菩薩於此學時能起一

切無癡事業為諸衆生宣說正法令不缺減  
不任諸想覆蓋著心及能遠離想及作意以  
能趣入諸法覺慧證無邊智理趣善巧無邊  
莊嚴若諸菩薩徧取名已了一切法唯有種  
種積集言說所起之名而無真實如是知者  
應當隨入陀羅尼門理趣善巧云何應入陀  
羅尼門理趣善巧知所有名而無住處不住  
諸法內外中邊於一切處都不可得但依積  
集種種言說而假施設於施設名如實隨覺  
是如實句以此實句應當了知一切諸法無  
名無說此是諸佛力無畏地於所有法應以  
此門開示演說如來所說一切諸法非一性

非異性諸法無有一異性故此一切法非生  
非有如是宣示諸法亦空法若空者彼即無  
相若無相者即無願求若法是空無相無願  
則不可知不可徧知不應說彼若有若無言  
有無者但是言說不應於中而生執著者何以  
故如來常說若不執著一切法者是真勝義

若有著者由是著故於彼彼法隨生執著如  
是執著一切皆空是敗壞法但唯虛妄戲論  
分別無邊莊嚴汝應當觀演說諸法而於彼  
法實無示說豈於此中有能說者而為他說  
無邊莊嚴此清淨法從諸如來之所演出能  
了知者甚為希有無邊莊嚴汝等今於我前

聞如是法能善了知住清淨信能生勝解雖復衆多而於後世希有衆生於此法中能徧了知唯除今時親於我所發弘誓言願於來世利益安樂諸衆生故而當受持如來法教若曾往昔於如來所承事供養深生信解愛樂希求於甚深法理趣善巧願聽聞者此諸菩薩當能獲得陀羅尼法無邊莊嚴由於往昔供養如來復得值遇無量諸佛承事供養於甚深法因緣理趣深信解者善求於法多勝解者趣行深廣求大乘者聲聞乘人厭離三界於甚深法勤修行者此諸人等未曾聽聞此甚深法無邊莊嚴如來為欲利益安樂

此諸有情令證甚深廣大無量難見難解種  
智覺故而復宣說甚深之法此非愚夫無聞  
執著不求法者之所行地有如理修行善根  
具足於微少過生大怖畏於諸怖畏而求解  
脫是此等類之所依處無邊莊嚴如來今為  
汝等天人世間常演說法不生勞倦由佛往  
昔行菩薩道時於無量億劫精勤修學此甚  
深法既修學已方便迴向云何為諸有情當  
轉無上微妙法輪及為有情而得示現無上  
大智令一切智智種性不斷無邊莊嚴此由  
如來往昔願力為令一切種性不斷及威加  
此陀羅尼句開示演說此甚深法廣令流布



使諸有情於佛法中當能悟入令一切智種  
性不斷光闡弘宣此諸法教無邊莊嚴汝等  
今欲隨學如來有諸衆生希求法者開示演  
說勿生勞倦無邊莊嚴諸菩薩等如所聞法  
於大衆中當廣開演所有法行由是當得近  
於佛智能速證獲陀羅尼門由證陀羅尼故  
以少功力而能受持光明照耀清淨法門無  
邊莊嚴一切諸法本性清淨若法本性非彼  
相應非不相應非和合住非不和合於諸法  
中而無有法若無有者則無有處而可示說  
唯除因盡因盡故即離離故即滅我為有情  
了知故說一切諸法本性自性於彼無因即

無因盡無因盡故無離無滅無邊莊嚴汝觀  
如來之所說法如是清淨若有以法觀如來  
者彼於如來見不清淨何以故如來非法亦  
非非法如來尚不安住少法何況非法若住  
非法無有是處如來超過諸表示法不可宣  
說一切語言皆清淨故是故如來最極甚深  
廣大無量無邊莊嚴如是如來非色表示非  
受想行識之所表示如來亦非色盡解脫非  
受想行識盡解脫由是如來絕諸表示與色  
等法非共相應非不相應而於一切有為無  
為能遍解脫不起分別無有戲論如來不與  
色取相應亦復不與受想行識諸取相應永

斷一切取蘊根本而亦遠離諸法根本謂無戲論不入不出超度暴流不住無上諸佛智境亦非不住應說如來不住少法不取不捨如說如來說法亦余如來不相應故如來之法亦不相應如如來法諸法亦余依如實理諸法皆如是故世尊說一切法悉是真如一切法如與佛真如無二無別非一非異如來安住無分別法非遍計故無邊莊嚴如來說法終不超過一切諸法何以故無有少法可超過故無邊莊嚴如來於彼某時證得無上正等菩提然於彼時實無有法而可得者以一切法及諸隨法不可得故不起分別亦復

不起法與非法及作意想於彼本性清淨法  
性而不安住亦不建立如是了知簡擇法時  
亦無了知及簡擇者無邊莊嚴此所演說第  
一義句即是如來非句之句句清淨故以是  
義故諸菩薩等得一切句清淨之智由是能  
入無邊理趣陀羅尼門亦無少法而可證入  
不來不去無邊莊嚴所言句者無句可得非  
句句故於一切句應如是知如是諸句是猒  
離句若猒離句是虛妄句若虛妄句即猒離  
句彼一切句是滅盡句若滅盡句即真如句  
若真如句即究竟句若究竟句是盡離滅句  
若盡離滅句即涅槃句若涅槃句即非世俗

無句施設亦無示說無邊莊嚴言一句者於一切善不善法中平等趣入云何一句所謂離句於猷離中無有少句是一切句猶如猷離句亦非句句清淨故若句清淨即涅槃清淨若涅槃清淨即句清淨如是諸句皆不可說若以語言宣示句者而彼語言於十方界求不可得誰爲誰說故諸言說一切皆空彼若空者即無有義不應於中戲論分別出生如是諸句義者一切皆是無分別句無戲論句是故修觀行者尋求觀察一切句時當知皆爲離滅涅槃如是諸句不異涅槃亦不可說然非不異由言說句皆虛妄故爲清淨句

宣說善巧表示諸句非實表示若非表示非  
不表示則處中道若處中道則無分別以於  
此中分別斷故於此法性平等入時而無有  
處行少惡行無所得故如是不行亦不徧行  
不等近行若如是行諸佛說為菩薩乘者無  
有少法而可行時彼行菩薩地安住無上清  
淨陀羅尼故無邊莊嚴我今當說陀羅尼句  
由是句故令諸菩薩得陀羅尼而能開示無  
邊法藏應說此等住無諍地以能摧破諸他  
論故極寂靜故廣演法故此中何者是彼法

門陀羅尼句

哆姪他若曳

一 微若曳  
二 隲計  
三 烏迦  
上 筏

底<sub>丁以反</sub>阿引路計五阿引路迦<sub>上</sub>筏底<sub>丁以反</sub>鉢囉

<sub>二合</sub>上陸七鉢囉<sub>上二合</sub>婆<sub>上</sub>筏底<sub>丁以反</sub>八娜喇設儂<sub>反尼頂九</sub>

你娜喇設曇筏底<sub>十</sub>遏替<sub>十一</sub>遏他筏底<sub>十二</sub>戎

闍儂<sub>十三</sub>鞞戎闍儂<sub>十四</sub>鉢喇戎闍儂<sub>十五</sub>吃喇<sub>合二</sub>

耶<sub>十六</sub>吃喇<sub>合二</sub>耶筏底<sub>十七</sub>唄哆囉尼<sub>十八</sub>禿珊哆囉

尼<sub>十九</sub>上層麼訶毗社曳<sub>二十</sub>麼訶毗社耶筏底<sub>二十一</sub>

阿怒珊地<sub>十二</sub>阿鉢囉<sub>合上三</sub>底<sub>丁以反</sub>珊地<sub>十三</sub>度伽<sub>上</sub>

磨坎捺陀<sub>十四</sub>悉地<sub>十五</sub>悉馱遏梯<sub>十六</sub>悉陀<sub>上</sub>

遏他<sub>上</sub>筏底<sub>二十七</sub>麼<sub>丁以反</sub>底<sub>二十八</sub>麼<sub>丁以反</sub>底<sub>二十九</sub>鉢囉<sub>合二</sub>

鞞<sub>二十九</sub>唄哆喇<sub>三十</sub>唄哆囉筏底<sub>三十一</sub>弭磨喇<sub>三十二</sub>

彌磨囉怒散地<sub>三十三</sub>薩嚧<sub>三十四</sub>薩囉筏底<sub>三十五</sub>薩囉

引怒伽底<sub>三十六</sub>娑冥<sub>三十七</sub>娑麼嚧婆<sub>上</sub>弭伽底<sub>三十八</sub>

羯底丁以反阿你伽底十四阿鉢囉合上三底反丁以你筏

底一四十一彌勢曬二四十一彌勢曬筏底三四十阿上磨醯你四

你磨醯你五四十鉢囉合二磨醯你六四十鄔引荷鄔哆

囉停四十七麼囉鉢娜曳八四十阿上勢鑿去四阿怒跛

勢鑿十五阿怒伽迷一五十阿鉢囉合二底伽迷二五十阿

伽上聲帝三五十阿呼娜伽呼底四五十伽底弭戎馱你五十

鉢喇戎第五六十薑去竭老初假反制羊尺曳反娜你夜帝

麼底丁以反鉢囉合二避帝八五十麼底毗戎馱你五十

三縵多引怒羯帝十六三縵多鉢喇縛反嚟一

三縵多毗戎馱二你阿怒跛仵囉合二阿三

你仵囉合二啞帝四那引囉梯二合六阿囉他

第毗戎地鉢囉冥奚都你地珊寧鉢囉合二



避底<sup>六十</sup>鉢囉<sup>二</sup>避多筏底<sup>丁以反</sup>毗你設者<sup>合二</sup>

曳<sup>六十</sup>避你設者<sup>合二</sup>耶引怒羯帝<sup>十七</sup>阿難多囉

梯<sup>一</sup>阿難多苾佉囉<sup>合二</sup>奚<sup>二十</sup>麼社毗戎地<sup>七十</sup>

阿怒竭囉奚<sup>七十</sup>鉢囉<sup>合二</sup>竭囉荷毗戎馱你<sup>七十</sup>

阿地耶<sup>引</sup>多麼<sup>合二</sup>毗竭帝<sup>六十</sup>麼<sup>四</sup>囉馱<sup>合二</sup>毗

戎馱你<sup>七十</sup>苾地耶<sup>引</sup>怒竭底<sup>丁以反</sup>苾地耶<sup>引</sup>

怒散地<sup>九十</sup>鉢喇戎馱你<sup>十八</sup>

無邊莊嚴此是陀羅尼標釋之句諸菩薩等

由是句故而能隨念無量如來所有法藏亦

能為諸有情開示演說住無諍地復能隨入

一切義句理趣善巧善能了知無量廣大老

別智覺隨其所願皆得圓滿

大寶積經卷第四

龍

明殼

反苦角

哆

地上多个反

隲計

上鳥占反

路計

上盧故反

娜喇

上那可反

設俚

女拏反又宜作

戎闍

上商邁反

吃喇

上居反

嗚哆

上烏沒反

庾伽

上金主反

磨陁

反查夷

作房也又

捺陁

上奴割反

麼底

上莫果反

弭磨

上弥反

薩掣

許器反

藍婆

上洛甘反

勢嚶

下力計反

磨醯

呼兮反

醯醯

四形又音海

荷

上烏古反

羅嚶

音寧

勢鏃

所拜反

三縵

莫半反

吃囉

咽

上魚乞反

中魯加反

下亦作


下香至反

下亦作

下亦作

下亦作

下亦作



猪飼順良寄附

